

**Zeitschrift:** Il glogn : calender dil pievel : annalas per historia, litteratura e cultura romontscha

**Band:** 9 (1935)

**Artikel:** Enzacontas canzunettas d'in poetin els vegls

**Autor:** [s.n.]

**DOI:** <https://doi.org/10.5169/seals-881240>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 04.07.2025

**ETH-Bibliothek Zürich, E-Periodica, <https://www.e-periodica.ch>**

# Enzacontas canzunettas d'in poetin els ventgin

## Il buobet e la mumma

„Mumma, mumma, vèza, mira,  
O, tgei flur jeu hai anflau!  
Pren e freda, tegn e mira,  
Mo en tscheu dadens sil prau.“

„Bien affon, la flur gie bragia,  
Has la cara fatg pirir.  
Vesas co' l'ei pass'e bragia,  
Giuvna flur sto uss murir.

Tschut, miu tschut quei mai emblida,  
Lai las bialas flurs flurir,  
O, con bunas, mai emblida,  
Schglioc sto'l Segner car bargir.“

## Il cavrè (Canzun)

Mintga sera audas ti,  
Cu'l sulegl va da rendiu  
Sum si sum quei crest leusi  
Sunar tiba neuagiu,  
Il cavrè, giuhu! giuhu!

Mintga sera vesas ti  
Cu la tiba dat sinsu,  
Sin fenestra leu zatgi,  
Fazzolet va si e giu.  
Léagna tgi! Giuhu! giuhu!

## Il pauper viandont

O matg, o matg eis uss en tiara  
Ti bien amitg, segir ti prendas  
Il mal ch'a mi el pèz sesiara,  
A tut gie nova veta rendas!

Las flurs de mei ton carezadas  
Salidan mei puspei sper via.  
Con vess spitgavel, contas gadas  
Ves'jeu l'egliada buna, pia!

Ils utschellins ein tuts de casa,  
Da tuttas vards sur flurs e verd  
In cant schi dultsch e car serasa,  
Las hirondellas giblan spèrt.

Ed ils tschuttets leu silla spunda,  
Els fan segliots e sesturnegian,  
La tschutta vegli' ad els rispunda,  
En lur furtina mo balbegian.

*E giu dal cuolm aud'ins la tiba,  
Quels tuns migeivels; schi legreivel,  
E dagl uaal leu ord l'umbriva  
Cantar schi legher, demaneivel.*

*Miu cor, ti eis aunc trests adina?  
O seigies lèds! O teidla, mira,  
Co tut selegr'ed ei perina,  
La paisch dil paràdis respira!*

## Alla cara

*Leu egl uaal sper riva,  
Leu mond' jeu schi bugen.  
Stund' jeu leu ell' umbriva,  
Lu poss jeu buc naven.*

*Cheu ha la mia cara  
Els egls mi ditg mirau;  
O'gliada dultsch' e clara!  
Mirau e contemplau.*

*Lu lèd' e tut cuntenta  
In betsch da cor mi dat,  
A nus il cor luenta,  
En bratsch riend la stat.*

*Mo uss sil baun cheu stundel,  
Vid tei stoi patertgar . . .  
Dal tut sfraccaus jeu sundel,  
Sai mainamai calar.*

*Ils pegns la romà muentan  
Schemend e snuadend,  
La feglia trest susentan;  
Traso suspir' il vent.*

*O cara! Ti en fossa?  
Pudessel cheu snarrir.  
L'amur schi cara nossa!  
Jeu stoi bargir, bargir.*

*Pertgei, vus caras fluras,  
Schi trest mireis sin mei?  
Tgei, ual, traso ramuras?  
Jeu sai, jeu saiel tgei!*

*O uaal leu sper la riva,  
Ti das mi levgiamen.  
Ses' jeu leu ell' umbriva,  
Lu poss jeu buc naven.*

## Ils students (Ina canzun)

*La damaun gia bein marvegl,  
Strusch levaus ei il sulegl,  
Nus cantein e giubilein.  
Biala cara destedein.  
Holdiridi giuhè!*

*Mein nus svelt el marsch tra'l vitg  
Cara mir' en buca ditg  
Sper tendina beinschit, tgiu,  
Ri de quei carin futiu.  
Holdiridi giuhè!*

*Sera vegn plaunsiu, plaunsiu,  
Glina ri e mira giu,  
Culla cara mein a spass,  
S'amurein discus, debass.  
Holdiridi giuhè!*

*Audas cant de vuschs muradas,  
Mintgaton risirisadas,  
Viva! Viva! rend savens,  
Franc, schi franc eis ei students!  
Holdiridi, giuhè!*

*Schia vivan ils students?  
Ston suar aunc bien savens.  
Mo la cara, bun', il tschut  
Nus fa emblidar vi tut.  
Holdiridi, giuhè!*

---

## Giuvnetta.

*Giuvnetta frestga e spir veta  
Culs egls schi cars ed innocents,  
Che rian lev e schi cuntents  
Hai entupau puspei sin via.*

*Il cor pli ferm a mi palpétta,  
Riend ti miras spèrt giun plaun  
Tenend las fluras enta maun —  
Tei vesel jeu traso aschia.*

*Giuvnetta, o ti dultscha veta  
Tes egls schi cars ed innocents —  
Che rian lev e schi cuntents  
Entaup' jeu tei puspei sin via?*



*La notg las uolps fan rapina  
Sil di ughegia mo la fina*



*Ils ménders scatschan ins cul pal  
La vermaneglia mo cun sal.*



*Fan ils perderts de snup  
Lu fan ei pli che tup.*

*O.*